

**MALAYSIA**

**DEWAN RAKYAT**

**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 24 NOVEMBER 2015, PUKUL 10.00 PAGI**

**Bil. 55**

---

**PERTANYAAN-PERTANYAAN BAGI JAWAB LISAN**

1. PR-1333-L69720  
**Dato' Haji Mohd Zaim bin Abu Hasan [ Parit ]** minta **MENTERI PENDIDIKAN TINGGI** menyatakan adakah sistem pendidikan tinggi mengambil kira aspek kemahiran insaniah dalam diri mahasiswa. Ini kerana pembelajaran di universiti pada masa kini, lebih berorientasikan kepada penilaian pencapaian akademik. Apakah langkah Kementerian dalam memastikan graduan yang dihasilkan adalah seimbang daripada segi akademik dan insaniah.
2. PR-1333-L69983  
**Dato' Dr. Mujahid Yusof Rawa [ Parit Buntar ]** minta **MENTERI KESIHATAN** menyatakan projek Hospital Parit Buntar yang terbengkalai sejak tapaknya dirasmikan pada tahun 2008.
3. PR-1333-L71261  
**Dato' Seri Tiong King Sing [ Bintulu ]** minta **MENTERI DALAM NEGERI** menyatakan :-
  - (a) apakah perancangan Kementerian untuk meningkatkan rondaan dan mengetatkan penguatkuasaan polis di Bintulu kerana masalah pengedaran dadah kembali semula dan semakin berleluasa sejak kebelakangan ini; dan
  - (b) adakah Kementerian mempunyai rancangan untuk menaiktaraf Ibu Pejabat Polis Daerah Bintulu dan menambah kekuatan anggota polis untuk membantu menjalankan operasi serbuan dan penangkapanyang lebih berkesan dan berjaya di Bintulu.
4. PR-1333-L69787  
**Puan Siti Zailah binti Mohd Yusoff [ Rantau Panjang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan statistik jumlah ibu tunggal, jumlah anak yatim dan warga emas di seluruh negara mengikut kaum dan negeri serta manfaat yang telah diterima oleh golongan ini setakat ini.

5. PR-1333-L70994  
**Dato' Ir. Haji Nawawi bin Ahmad [ Langkawi ]** minta **MENTERI PERTANIAN DAN INDUSTRI ASAS TANI** menyatakan sebagaimana kita maklum, nelayan mendapat elaun sara hidup bulanan. Apakah Kementerian bercadang untuk memperluaskan skim elaun sara hidup kepada penoreh getah dan pesawah memandangkan pendapatan mereka juga sama seperti nelayan.
6. PR-1333-L71511  
**Dato' Takiyuddin bin Hassan [ Kota Bharu ]** minta **MENTERI KEWANGAN** menyatakan jumlah wang terlibat serta pecahan jumlah penerima, sektor-sektor dan negeri-negeri yang mendapat manfaat daripada Skim Jaminan Modal Kerja diwujudkan membantu Industri Kecil dan Sederhana menghadapi keadaan ekonomi semasa.
7. PR-1333-L70697  
**Tuan Haji Hasbi bin Haji Habibollah [ Limbang ]** minta **MENTERI SUMBER ASLI DAN ALAM SEKITAR** menyatakan bilakah Kementerian akan melaksanakan "*dredging*" di Kuala Sungai Limbang yang semakin tohor untuk mengatasi masalah banjir di bandar Limbang dan perkampungan di sepanjang Sungai Limbang semasa air pasang.
8. PR-1333-L70823  
**Tuan Julian Tan Kok Ping [ Stampin ]** minta **MENTERI PENDIDIKAN TINGGI** menyatakan seperti yang diumumkan oleh Ketua Menteri Sarawak, dimana UEC akan diterima oleh Kerajaan Sarawak termasuk kemasukan ke UNIMAS, bagaimana UNIMAS akan melaksanakannya serta cara aplikasi kemasukan, kursus-kursus yang boleh didaftar dan adakah graduan terlibat boleh mendapat kerja Kerajaan di dalam seluruh Malaysia.
9. PR-1333-L69747  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI KEMAJUAN LUAR BANDAR DAN WILAYAH** menyatakan berapa buah Projek Bekalan Air Luar Bandar yang sakit dan yang belum dilaksanakan, dan langkah yang diambil untuk menyelesaikan masalah ini.
10. PR-1333-L70264  
**Tuan M. Kulasegaran [ Ipoh Barat ]** minta **MENTERI PENDIDIKAN** menyatakan perkembangan terbaru terhadap pembinaan 6 buah sekolah baru SJKT yang telah diumumkan oleh Kerajaan pada tahun 2012.
11. PR-1333-L69828  
**Dr. Noor Azmi bin Ghazali [ Bagan Serai ]** minta **MENTERI PENDIDIKAN TINGGI** menyatakan sejauh manakah IPT khususnya Universiti Awam di Malaysia telah menyumbang kepada matlamat dasar transformasi negara dan apakah peranan serta tindakan utama Kementerian bagi memastikan IPT di Malaysia mampu menjadi tulang belakang kepada matlamat menjadikan Malaysia sebuah negara maju menjelang 2020 bersesuaian dengan semangat '*Soaring Upwards*' yang menjadi tuntutan utama dalam kalangan IPT di Malaysia.

12. PR-1333-L69654  
**Dr. Che Rosli bin Che Mat [ Hulu Langat ]** minta **MENTERI TENAGA, TEKNOLOGI HIJAU DAN AIR** menyatakan fokus dan projek utama Pameran Teknologi Hijau dan Produk Eco 2015 (IGEM 2015) yang diadakan antara 9-12 September 2015 dengan matlamat utama menjadikan Malaysia sebagai Hub Teknologi Hijau.
13. PR-1333-L69705  
**Datuk Dr. Ewon Ebin [ Ranau ]** minta **PERDANA MENTERI** menyatakan sebagaimana yang digariskan dalam RMK-11 mengenai dengan pemberian hak milik tanah adat, berapakah dana bantuan penyukatan tanah NCR yang telah diberikan kepada negeri Sabah serta keluasan tanah yang telah disukat setakat ini.
14. PR-1333-L70101  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI KEWANGAN** menyatakan statistik anak muda yang mengalami masalah kewangan selepas bergraduasi sejak 2010.
15. PR-1333-L71153  
**Ir. Shaharuddin bin Ismail [ Kangar ]** minta **MENTERI PENDIDIKAN TINGGI** menyatakan setelah menjalankan Program Mengubah Destinasi Anak Bangsa (MDAB) sejak 2010 dengan kerjasama Kementerian Pendidikan Tinggi dengan UiTM, berapakah jumlah pelajar yang telah mendapat manfaat daripada program ini dan adakah ianya akan diteruskan atau sama ada Kementerian mempunyai perancangan untuk menambah baik program berkenaan.
16. PR-1333-L71390  
**Tuan Ignatius Dorell Leiking [ Penampang ]** minta **MENTERI KEWANGAN** menyatakan hasil kutipan sehingga hari ini semenjak pelaksanaan Cukai Barangan dan Perkhidmatan (GST) pada 1 April 2015 dan daripada kutipan tersebut berapa banyakkah hasil kutipan yang diterima daripada negeri Sabah.
17. PR-1333-L69617  
**Dato' Abdul Manan bin Ismail [ Paya Besar ]** minta **MENTERI PENDIDIKAN TINGGI** menyatakan peratusan pelajar di universiti-universiti awam yang tercicir dari tahun 2010 hingga 2015 dan apa langkah-langkah yang diambil untuk mengurangkan kadar keciciran di universiti awam ini.
18. PR-1333-L71488  
**Tuan Chua Tian Chang @ Tian Chua [ Batu ]** minta **MENTERI KEMAJUAN LUAR BANDAR DAN WILAYAH** menyatakan apakah Majlis Amanah Rakyat (MARA) akan berhenti menaja pelajar untuk belajar di Universiti Taylors. Apakah sebab-sebab keputusan ini.
19. PR-1333-L71369  
**Tan Sri Datuk Seri Panglima Annuar bin Musa [ Ketereh ]** minta **MENTERI KESIHATAN** menyatakan sehingga ke hari ini, sejumlah 326 buah klinik 1 Malaysia telah beroperasi dan bercadang untuk menambah 16 klinik pada tahun ini dan 33 klinik pada 2016. Berdasarkan jumlah berkenaan,nyatakan penambahbaikan yang telah dirangka oleh Kementerian bagi meningkatkan mutu perkhidmatan Klinik 1 Malaysia khususnya kepada golongan luar bandar.

20. PR-1333-L70614  
**Tuan Liew Chin Tong [ Kluang ]** minta **MENTERI KERJA RAYA** menyatakan kos akhir pembinaan lebuh raya mengikut kod lebuh raya (E1, E2 dan sebagainya) dan tahun penghabisan lebuh raya.
21. PR-1333-L69545  
**Dato' Haji Irmohizam bin Haji Ibrahim [ Kuala Selangor ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) sejauh manakah penguatkuasaan Akta Pengurusan Strata 2013 (Akta 757) mampu memberi kesan positif kepada penduduk yang tinggal di bangunan berstrata; dan
  - (b) adakah Akta ini akan dikuatkuasakan bersama-sama Peraturan Pengurusan Strata (Penyelenggaraan dan Pengurusan) dan Tribunal Pengurusan Strata.
22. PR-1333-L71546  
**Tuan Sim Tong Him [ Kota Melaka ]** minta **MENTERI PELANCONGAN DAN KEBUDAYAAN** menyatakan :-
- (a) prestasi dan pencapaian Program MyFest; dan
  - (b) adakah masalah jerebu telah menjejaskan usaha-usaha yang dijalankan oleh Kementerian dan bagaimanakah impak sektor pelancongan akibat daripada keruntuhan nilai wang ringgit.
23. PR-1333-L70196  
**Dato' Henry Sum Agong [ Lawas ]** minta **MENTERI PERTAHANAN** menyatakan apakah status pelaksanaan Jalan Ba'Kelalan ke Bario di bawah Projek Jiwa Murni dan bilakah ia dijangka siap.
24. PR-1333-L70448  
**Datuk Mohd Idris bin Jusi [ Batu Pahat ]** minta **MENTERI DALAM NEGERI** menyatakan langkah-langkah berkesan mengatasi dua masalah besar dihadapi oleh para belia iaitu masalah pengangguran dan masalah sosial seperti merempit, melepak dan salah guna dadah.
25. PR-1333-L70512  
**Dr. Ismail bin Daut [ Merbok ]** minta **MENTERI DALAM NEGERI** menyatakan langkah membendung aktiviti penyeludupan senjata api dari luar negara terutamanya di sempadan Thailand-Malaysia. Pihak Kementerian juga diminta mencari jalan bagaimana kaedah untuk menghalang kemasukan komponen senjata api secara *piece by piece* yang sukar dikesan.

26. PR-1333-L70470  
**Tuan Ng Wei Aik [ Tanjong ]** minta **MENTERI PENGANGKUTAN** menyatakan rasional kelulusan diberi olehnya kepada Yayasan Patriot Negara Malaysia (YPNM) untuk menjual siri plat *PATRIOT* secara eksklusif tanpa adanya tender terbuka dipanggil walaupun Jabatan Pengangkutan Jalan sendiri berupaya untuk menjualkan siri plat kereta tersebut. Sila nyatakan syarat-syarat yang dipersetujui dan setakat ini jumlah bagi setiap jenis pendapatan yang telah diperolehi oleh JPJ daripada skim tersebut.
27. PR-1333-L70303  
**Tuan Che Mohamad Zulkifly bin Jusoh [ Setiu ]** minta **MENTERI KERJA RAYA** menyatakan status projek naik taraf jalan di Jalan Persekutuan FT 03 laluan Kuala Terengganu-Kota Bharu di Sungai Lerek, Setiu di bawah Pakej Naik Taraf kilometer-kilometer yang bermula di KM51-KM54 yang mana sepanjang 1.5KM laluan tersebut iaitu dari KM52.5-KM54 tidak dilaksanakan walaupun pengambilan tanah bagi laluan tersebut telah dibuat.
28. PR-1333-L70354  
**Tuan Gooi Hsiao-Leung [ Alor Setar ]** minta **PERDANA MENTERI** menyatakan berapa jumlah wang yang telah dibiayai oleh Kerajaan untuk mengacarakan persidangan International Anti-Corruption Conference (IACC) di Putrajaya dari 2sehingga 4 September 2015.
29. PR-1333-L70606  
**Datuk Haji Shabudin bin Yahaya [ Tasek Gelugor ]** minta **PERDANA MENTERI** menyatakan pendirian Kerajaan sama ada ingin menghidupkan kembali Akta ISA memandangkan sudah terbukti banyak perbuatan mencabar Kerajaan dan perlembagaan malah institusi raja dan agama Islam yang boleh mendorong kepada terancamnya keselamatan negara.
30. PR-1333-L71242  
**Tuan Oscar Ling Chai Yew [ Sibü ]** minta **PERDANA MENTERI** menyatakan pendirian Kerajaan Persekutuan terhadap tuntutan autonomi sepenuhnya dalam bidang pendidikan yang dicadangkan oleh Kerajaan Sarawak. Bilakah ia akan dilaksanakan. Adakah Kerajaan Pusat berhasrat memulihkan kedudukan "*equal partners*" bagi Malaya, Sabah dan Sarawak.
31. PR-1333-L71094  
**Tuan Teo Kok Seong [ Rasah ]** minta **MENTERI PENGANGKUTAN** menyatakan :-
- (a) jumlah kos yang ditanggung oleh Kerajaan untuk mengambil alih Sistem penguatkuasaan Elektronik (AES) daripada syarikat konsesi; dan
  - (b) sejauh manakah pengambilalihan ini dapat memberi manfaat kepada Kerajaan.

32. PR-1333-L71332  
**Tuan Zairil Khir Johari [ Bukit Bendera ]** minta **MENTERI DALAM NEGERI** menyatakan apakah tindakan-tindakan yang telah diambil sehubungan dengan aduan seorang warga Myanmar, Aung Naing Win telah mendakwa telah dianiaya dan didera oleh pegawai Imigresen di KLIA pada bulan Januari tahun ini
33. PR-1333-L71233  
**Dato' Kamarul Baharin bin Abbas [ Telok Kemang ]** minta **MENTERI PERTANIAN DAN INDUSTRI ASAS TANI** menyatakan :-
- (a) bentuk perancangan Kerajaan dalam menangani masalah tanah terbiar yang telah dikenal pasti di Semenanjung, Sabah dan Sarawak; dan
  - (b) cara mana peruntukan hanya sebanyak RM140 juta di bawah Rancangan Malaysia Ke-11 digunakan untuk pembangunan tanah-tanah tersebut.
34. PR-1333-L71069  
**Puan Teo Nie Ching [ Kulai ]** minta **MENTERI PENGANGKUTAN** menyatakan sebab kontrak untuk memindah kubur-kubur Kampung Baru Cina Sedenak diberi kepada Hock Hiang Funeral Corporation Sdn. Bhd. tanpa tender terbuka, nilai kontrak, dan cara untuk menentukan nilai kontrak.
35. PR-1333-L71504  
**Tuan Fong Kui Lun [ Bukit Bintang ]** minta **MENTERI DALAM NEGERI** menyatakan kedudukan kes pergaduhan di Plaza Low Yat, Jalan Bukit Bintang, Kuala Lumpur pada 12 Julai 2015 yang berjaya diselesaikan, ditangkap, didakwa dan dijatuhkan hukuman serta langkah yang diperkenalkan untuk mengelak kejadian seumpama itu berulang lagi.
36. PR-1333-L71055  
**Tuan Su Keong Siong [ Ipoh Timor ]** minta **PERDANA MENTERI** menyatakan jumlah kos dan kerugian yang ditanggung oleh Kerajaan dalam kes Semakan Kehakiman (*Judical Review*) dan guaman lain dalam tempoh lima tahun yang lepas.
37. PR-1333-L71414  
**Dato' Seri Abdul Hadi bin Awang [ Marang ]** minta **MENTERI PENDIDIKAN** menyatakan sejauh manakah pencapaian Gelombang Pertama (2013-2015) Pelan Pembangunan Pendidikan Malaysia (PPPM) dalam mengubah sistem yang memberi sokongan kepada guru dan penekanan kepada kemahiran teras.
38. PR-1333-L69625  
**Puan Hajah Zuraida binti Kamaruddin [ Ampang ]** minta **PERDANA MENTERI** menyatakan statistik isi rumah berpendapatan 40 peratus terendah, 40 peratus menengah dan 20 peratus tertinggi berdasarkan sumber terkini Penyiasatan Pendapatan dan Perbelanjaan Isi Rumah (PPPIR).

39. PR-1333-L70087  
**Dato' Mansor bin Othman [ Nibong Tebal ]** minta **PERDANA MENTERI** menyatakan jumlah unit rumah yang tergolong sebagai Projek Perbadanan PRIMA Malaysia (PRIMA) yang dirancang/sasar dibina dan yang telah siap pembinaannya di Pulau Pinang, mengikut kawasan-kawasan Parlimen.
40. PR-1333-L69765  
**Tuan Charles Anthony Santiago [ Klang ]** minta **MENTERI PERDAGANGAN ANTARABANGSA DAN INDUSTRI** menyatakan bab-bab yang telah dipersetujui di perbincangan mengenai TPP di Hawaii baru-baru ini. Bilakah analisa kos faedah akan diberikan kepada rakyat Malaysia.
41. PR-1333-L69885  
**Datuk Dr. Makin @ Marcus Mojigoh [ Putatan ]** minta **MENTERI PERUSAHAAN PERLADANGAN DAN KOMODITI** menyatakan :-
- (a) usaha Kementerian dalam memperkasakan ekonomi rakyat luar bandar melalui Sektor Perladangan dan Komoditi; dan
  - (b) jenis dana yang disediakan bagi memperluaskan lagi penanaman koko dan lada terutama sekali di negeri Sabah dan Sarawak.
42. PR-1333-L71442  
**Tuan Tan Kok Wai [ Cheras ]** minta **MENTERI KEWANGAN** menyatakan keadaan pembelian aset dan pelaburan luar negara Syarikat-syarikat Berkaitan Kerajaan (GLC) dan badan-badan berkanun.
43. PR-1333-L71171  
**Tuan Ahmad Marzuk bin Shaary [ Bachok ]** minta **MENTERI PERTANIAN DAN INDUSTRI ASAS TANI** menyatakan projek pertanian dan penternakan yang berpotensi dilaksanakan di kawasan Parlimen Bachok. Nyatakan senarai projek-projek pertanian dan penternakan yang telah berjaya dilaksanakan di Bachok. Apakah projek penternakan rusa sesuai dilaksanakan di kawasan Bachok.
44. PR-1333-L70705  
**Tuan Manivanan a/l Gowindasamy [ Kapar ]** minta **MENTERI PELANCONGAN DAN KEBUDAYAAN** menyatakan :-
- (a) jumlah pelancong dari China dan peratusannya daripada jumlah pelancong ke Malaysia setiap tahun untuk tahun 2010, 2011, 2012, 2013, 2014 dan sehingga 30 September 2015; dan
  - (b) jumlah pelancong dari India dan peratusannya daripada jumlah pelancong ke Malaysia setiap tahun untuk tahun 2010, 2011, 2012, 2013, 2014 dan sehingga 30 September 2015.

45. PR-1333-L70838  
**Tuan Nga Kor Ming [ Taiping ]** minta **MENTERI KEWANGAN** menyatakan berapakah jumlah hutang dan liabiliti secara terperinci yang ditanggung oleh Lembaga Tabung Haji, Kumpulan Wang Simpanan Pekerja (KWSP) dan Kumpulan Wang Amanah Pesara (KWAP) setakat ini.
46. PR-1333-L69595  
**Laksamana Pertama Mohamad Imran bin Abd Hamid (B) [ Lumut ]** minta **MENTERI PERTAHANAN** menyatakan berapakah kadar elaun yang dibayar kepada anggota keselamatan yang berkhidmat di Pulau Ubi, Mantanani Siout, Pulau Jarak, Pulau Perak dan kawasan operasi keselamatan di pulau-pulau di Perairan Sabah Timur.
47. PR-1333-L69840  
**Tuan Lim Guan Eng [ Bagan ]** minta **MENTERI PENGANGKUTAN** menyatakan jumlah penumpang di Lapangan Terbang Antarabangsa Pulau Pinang sejak 2010 dan apakah kapasitinya. Nyatakan perancangan untuk memperbesarkannya, bila ia bermula kos serta cadangan asal membina hotel 4 bintang bersebelahan. Nyatakan apakah projek pembangunan lain.
48. PR-1333-L71167  
**Tuan Hee Loy Sian [ Petaling Jaya Selatan ]** minta **PERDANA MENTERI** menyatakan :-
- (a) adakah penamatan perkhidmatan bekas Peguam Negara, Tan Sri Abdul Ghani Patail secara tiba-tiba mengikut Prosedur Operasi Piawai (SOP) biasa; dan
  - (b) adakah benar penamatan tersebut disebabkan terdapatnya kertas dakwaan yang sudah pun disediakan oleh pihak Peguam Negara terhadap Perdana Menteri.
49. PR-1333-L70986  
**Tuan Ramkarpal Singh a/l Karpal Singh [ Bukit Gelugor ]** minta **PERDANA MENTERI** menyatakan sama ada Kerajaan bercadang untuk memperkenalkan undang-undang yang bertujuan memberi definisi kepada sifat perkauman (*racism*) dan kebencian perkauman (*racial hatred*) dan bertujuan membanteras kegiatan-kegiatan tersebut memandangkan kejadian-kejadian baru-baru ini yang berbaur perkauman seperti insiden di Plaza Low Yat.
50. PR-1333-L69863  
**Datuk Seri Panglima Haji Abdul Ghapur bin Haji Salleh [ Kalabakan ]** minta **PERDANA MENTERI** menyatakan berapakah jumlah kuota Haji diberikan untuk negeri Sabah.
51. PR-1333-L70819  
**Datuk Aaron Ago anak Dagang [ Kanowit ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan samada Kementerian mempunyai dasar terhadap tempat pelupusan sampah bagi kawasan-kawasan PBT (*councils*) seperti di pekan-pekan kecil Sarawak. Apakah langkah-langkah Kerajaan terhadap masalah membuang/pelupusan sampah yang amat serius terutama di kawasan luar bandar.



52. PR-1333-L70449  
**Tuan Wong Sze Phin @ Jimmy [ Kota Kinabalu ]** minta **MENTERI SUMBER ASLI DAN ALAM SEKITAR** menyatakan program dan dasar kerajaan dalam melindungi habitat, memelihara dan memulihkan kawasan hutan dan kawasan tadahan air di Sabah.
53. PR-1333-L70153  
**Tuan Wan Hasan bin Mohd Ramli [ Dungun ]** minta **MENTERI KEWANGAN** menyatakan adakah Kerajaan bersedia untuk mengkaji semula GST yang ternyata telah membebankan kehidupan rakyat.
54. PR-1333-L71194  
**Tuan Mohd Rafizi bin Ramli [ Pandan ]** minta **MENTERI LUAR NEGERI** menyatakan senaraikan semua pembelian bangunan oleh Kerajaan Malaysia di luar negara sejak tahun 2010 hingga kini berserta maklumat alamat bangunan, penjual dan nilai yang dibayar kepada penjual.
55. PR-1333-L69852  
**Dato' Othman bin Aziz [ Jerlun ]** minta **PERDANA MENTERI** menyatakan setelah memperkenalkan empat langkah proaktif ekonomi pada 14 September 2015 yang merangkumi aspek pasaran kewangan, PKS, kesejahteraan rakyat dan integriti institusi, berapakah tempoh masa yang ditetapkan oleh Kerajaan bagi menjayakan langkah ini dan sejauh manakah ianya mendapat sokongan daripada sektor swasta.

**ATURAN URUSAN MESYUARAT DAN USUL-USUL**

1. **Menyambung semula pertimbangan ke atas Rang Undang-undang Perbekalan 2016 (D.R. 31/2015) dan Usul Anggaran Perbelanjaan Pembangunan 2016 seperti berikut :-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh dua bilion ringgit (RM52,000,000,000) dibelanjakan daripada Kumpulan Wang Pembangunan bagi tahun 2016, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2016, yang dibentangkan sebagai Kertas Perintah 42 Tahun 2015, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

**Dalam Jawatankuasa Sebuah-buah Majlis (23 November, 2015)**

- |    |                |  |                                   |
|----|----------------|--|-----------------------------------|
| 2. | (D.R. 32/2015) | Rang Undang-undang Kewangan 2015<br><br><b>[ Menteri Kewangan ]</b>  | <b>Bacaan Kali<br/>Yang Kedua</b> |
| 3. | (D.R. 28/2015) | Rang Undang-undang Perbadanan Insurans Deposit Malaysia (Pindaan) 2015 - <b>Menyambung semula Perbincangan atas masalah, “Bahawa Rang Undang-undang ini dibacakan kali yang kedua sekarang”</b><br><b>(22 Oktober 2015)</b><br><br><b>[ Menteri Kewangan ]</b> |                                   |
| 4. | (D.R. 30/2015) | Rang Undang-undang Syarikat 2015<br><br><b>[ Menteri Perdagangan Dalam Negeri,<br/>Koperasi dan Kepenggunaan ]</b>   | <b>Bacaan Kali<br/>Yang Kedua</b> |

5. (D.R. 29/2015) Rang Undang-undang Skim Kepentingan 2015. “  
  
**[ Menteri Perdagangan Dalam Negeri, Koperasi dan Kepenggunaan ]**
6. (D.R 33/2015) Rang Undang-undang Tabung Angkatan Tentera (Pindaan) 2015 “  
  
**[Menteri Pertahanan]**
7. (D.R. 9/2015) Rang Undang-undang Kanun Tatacara Jenayah (Pindaan) 2015 “  
  
**[ Menteri di Jabatan Perdana Menteri ]**
8. (D.R. 12/2015) Rang Undang-undang Keterangan (Pindaan) 2015 “  
  
**[ Menteri di Jabatan Perdana Menteri ]**
9. (D.R. 24/2014) Rang Undang-undang Dadah Berbahaya (Pindaan) (No. 2) 2014 “  
  
**[ Menteri Kesihatan ]**

10. PR-1333-U69963

**Datuk Dr. Makin @ Marcus Mojigoh [ Putatan ]** akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini. Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah kebanyakan pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang menggelarkan diri mereka sebagai SSKM ini."

**[ Menteri Dalam Negeri ]**

11. PR-1333-U69964

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat rungutan-rungutan dikalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

**[ Perdana Menteri ]**

12. PR-1333-U69965

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini.”

**[ Menteri Pertanian dan Industri Asas Tani ]**

13. PR-1333-U69966

**Datuk Dr. Makin @ Marcus Mojigoh [ Putatan ]** akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir mufliis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehpercayaan rakyat kepada Kerajaan masa kini.”

**[ Menteri Kewangan ]**

14. PR-1333-U70485

**Tuan Ng Wei Aik [ Tanjong ]** akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbau perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

**[ Menteri Dalam Negeri ]**

15. PR-1333-U70272

**Tuan M. Kulasegaran [ Ipoh Barat ]** akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

**[ Perdana Menteri ]**

16. PR-1333-U70255

**Dr. Tan Seng Giaw [ Kepong ]** akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

**[ Menteri Kewangan ]**

17. PR-1333-U70256

**Dr. Tan Seng Giaw [ Kepong ]** akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

**[ Menteri Sumber Asli dan Alam Sekitar ]**

18. PR-1333-U71552

**Tuan Fong Kui Lun [ Bukit Bintang ]** akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

**[ Perdana Menteri ]**

19. PR-1333-U71553

**Tuan Fong Kui Lun [ Bukit Bintang ]** akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

**[ Menteri Kesejahteraan Bandar, Perumahan dan Kerajaan Tempatan ]**

20. PR-1333-U69805

**Dato' Kamarudin bin Jaffar [ Tumpat ]** akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

**[ Perdana Menteri ]**

21. PR-1333-U69806

**Dato' Kamarudin bin Jaffar [ Tumpat ]** akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

**[ Perdana Menteri ]**

22. PR-1333-U69807

**Dato' Kamarudin bin Jaffar [ Tumpat ]** akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatkali ganda usaha pembinaan rumah-rumah tersebut.”

**[ Perdana Menteri ]**

23. PR-1333-U70769

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab.

Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

**[ Perdana Menteri ]**

24. PR-1333-U70770

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

**[ Perdana Menteri ]**

25. PR-1333-U70772

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

**[ Menteri Kesihatan ]**



26. PR-1333-U70774

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

**[ Menteri Belia dan Sukan ]**

27. PR-1333-U70776

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

**[ Menteri Dalam Negeri ]**

28. PR-1333-U70806

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan

arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

**[ Menteri Kesejahteraan Bandar, Perumahan dan Kerajaan Tempatan ]**

29. PR-1333-U70808

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

**[ Menteri Dalam Negeri ]**

30. PR-1333-U70809

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

**[ Menteri Pendidikan ]**

31. **Dato’ Seri Dr. Wan Azizah binti Wan Ismail [ Permatang Pauh ]** akan mencadangkan :-

“Bahawa Dewan ini tidak ada kepercayaan terhadap Yang Amat Berhormat Pekan Dato’ Seri Najib Tun Razak sebagai Perdana Menteri Malaysia.”

**[Perdana Menteri]**

32. **Tuan Gobind Singh Deo [ Puchong ]** akan mencadangkan :-

“Bahawa mengikut Peraturan Mesyuarat 43 dibaca bersama Peraturan Mesyuarat 99 Peraturan-Peraturan Majlis Mesyuarat Dewan Rakyat, Dewan Yang Mulia ini mengkaji semula dan mengenepikan keputusan Yang di-Pertua YB Dato Seri Dr. Ronald Kiandee, yang membenarkan usul untuk menggantung Yang Berhormat Tuan Lim Kit Siang, Ahli Parlimen Gelang Patah daripada Perkhidmatan sebagai Ahli Parlimen selama 6 bulan dibahas tanpa rujukan dibuat kepada Jawatankuasa Hak dan Kebebasan sepertimana menurut Peraturan 80A Peraturan-Peraturan Majlis Mesyuarat.”

**[ Perdana Menteri ]**

33. **Tuan Mohd Rafizi bin Ramli [ Pandan ]** akan mencadangkan :-

“Bahawa Dewan ini menggesa supaya Tenaga Nasional Berhad hanya membayar jumlah yang sepadan dengan nilai pasaran aset-aset *Independent Power Producers* (IPP) yang dimiliki oleh 1MDB dan Dewan berpendapat bahawa harga siling mengikut nilai pasaran bagi aset-aset itu adalah Ringgit Malaysia Lapan Bilion (RM8,000,000,000) sahaja”.

**[ Menteri Kewangan ]**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2015</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.127	Laporan Tahunan dan Penyata Kewangan Perbadanan Pembangunan Perdagangan Luar Malaysia (MATRADE) Bagi Tahun 2014.	24 November 2015
ST.129	Laporan Tahunan dan Penyata Kewangan Lembaga Totalisator Malaysia Bagi Tahun 2014.	24 November 2015
ST.136	Laporan Tahunan dan Penyata Kewangan Lembaga Pelabuhan Kuantan Bagi Tahun 2014.	24 November 2015
ST.139	Laporan Tahunan dan Penyata Kewangan Lembaga Pelabuhan Kelang dan Lembaga Pelabuhan Melaka Bagi Tahun 2014.	24 November 2015
ST.140	Laporan Tahunan dan Penyata Kewangan Lembaga Pelabuhan Johor dan Lembaga Pelabuhan Johor (Tanjong Pelepas) Bagi Tahun 2014.	24 November 2015
ST.141	Laporan Tahunan dan Penyata Kewangan Lembaga Pelabuhan Bintulu Bagi Tahun 2014.	24 November 2015